

يا عريس الما تهنا من دما اوداجه تحنا

قاسماه .. وا ذبيحاه

قاسماه .. وا شهيداه

الفقرة الأولى:

بيمه يا حبيبة قلبي ودعيني
عزمت اعله الحرب للحومه زفيني
عريس بدمعة عيونج تحنني
على صدر المحنه بحرقه ضميني

عرس ما صار حزن وافراح
ورد وشموع نبل ورماح

اجت رمله بوجعها تودع الجسام
تزقه للمعاره تهلهل بالخيام
زفاف النور ابد ما يخطر ابلاحلام
شباب اتزفه نسوه واهله ابلرغام

فزع ملهوف كسير العين
يفدي الروح لعمه حسين

أذكره حامل بإيده الوصيّه
يقبّل عمّه عايف هالدينّه
كتاب امن الحسن لابن الزجيّه
درخصّ جاسم بدرب المنّيّه

شبح بانظاره لانصاره الميامين
ينخي والصحب كلهم مطاعين
دقوموا نرقّه تفرح به النساءين
جذب حسره وتوجه للصواوين

خذاه ولبسّه ثياب الإمامه
وبيده شد على راسه العمامه
يشابه والده بحسنه وكلامه
أدب غيره حميّه وي شهامه

تمثّل له الحسن رجع بيه الزمن مرد چبده الولد
عزيزه وسلوته وباقي عزوته نحل منه الجسد

تَزْفَرُ والصدر هاج بنحيبه
يعز اعله القلب فرقة حبيبته
يضمه قبّله دموعه سچيبه
عطاه الرخصه قاصد للحريه

تبسّم وانتشع حمل سيفه فزع لميدان الفدا
شجاعة حيدرہ وسبع القنطره تهابه العدا

يصنول بصارمه امشرّد الخيل
يفيص بعزمه حدّر چنه السيل
خطف ارواح منهم جاهم الويل
على صهوة جواده محلى هالشيل

الفقرة الثانية:

يلب روعي الدهر بسهامه صوّبني
شعبني ابذحتك يوليدي سؤدني
يتيم ابن اثنعش فقدك يمر مرني
شباب امن العرس محروم آيبيني

يون وَيّاي حمام الدوح
يمذبوحى ورثت النوح

يكوكب سعدي عني چنك اتخّليت
انهدم حلم البنيته بهمي اتلظّيت
يبدر بنوره ضوى بعده وحشه البيت
ذخرتك للعمر ترعاني تمنيت

تعبت سنين أني برباك
سهرت ليال تظن انساك

إذا جن ليلى يا بسمة ودادي
أحن بلهفتي امن اذكر مصابك
لوى هرش القلب مزع أقادي
شيصبرني على فجعة غيابك

يسامرني الحزن مرّه الليالي
حراره بقلبي شيطفيها ناري
ألف وسفه على ضيعة دلالي
عقب عينك يجاسم دمعي جاري

عريس محنّى بدموم الشهادة
ضنا قلبي ينايم بالترايب
نصرت ابن النبي نلت السعاده
يطير الجنّه يا أغلى الحبايب

دهتني كربلا رمتني بالبلا غدر بيّه الدهر
أشوفك منطبرُ أويلي تعتفُر يمقطوع النحر

وقعت امن المهر آه اعله حالك
يعمي تنادي وبيا حال اجالك
بچاك ابلوعته وبصدره شالك
اجابك للخيم وسّد اوصالك

تمدّد بحزن على طولك يون وجيعة مهجته
عزيّه بالخيم نوايح الحرم تصيح بحضرتة

اجيتك حامله روعي اعله چفي
وزينب عمّتك تصرخ بصفي
وسكنه تنتحب أسمعها خلفي
عظيمه الناييه تسعر بجوفي